

**CENTRALNA BANKA
BOSNE I HERCEGOVINE**

Broj: UV-150-01-1-2 /18 DM

Sarajevo, 30. 01. 2018. godine

Na osnovu članova 18. stav (1), 21. stav (1) tačka c) i 28. Zakona o javnim nabavkama ("Službeni glasnik BiH" broj: 39/14) i člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, Upravno vijeće Centralne banke Bosne i Hercegovine na 1. sjednici od 30. 01. 2018. godine, donosi

O D L U K U

o pokretanju postupka nabavke usluga – održavanje sistema za žirokliring i sistema za bruto poravnanja u realnom vremenu, putem pregovaračkog postupka bez objave obavještenja o nabavci

Član 1.

(1) Ovom odlukom pokreće se postupak javne nabavke usluga – održavanje sistema za žirokliring i sistema za bruto poravnanja u realnom vremenu, putem pregovaračkog postupka bez objave obavještenja o nabavci, po lotovima kako slijedi:

- a) lot 1 – nabavka usluga održavanja sistema za žirokliring, procijenjene vrijednosti u iznosu od 440.000,00 KM,
- b) lot 2 – nabavka usluga održavanja sistema za bruto poravnanja u realnom vremenu, procijenjene vrijednosti u iznosu od 950.000,00 KM.

(2) Ukupna procijenjena vrijednost nabavke iz stava 1. ovog člana iznosi 1.390.000,00 KM (slovima: jedanmilliontristotinedevedeset konvertibilnih maraka i 00/100).

Član 2.

Centralna banka Bosne i Hercegovine će pregovarački postupak iz člana 1. ove odluke provesti s ponuđačem CGI IT UK Limited, 250 Brook Drive, Green park, Reading, RG2 6UA, England, s namjerom zaključivanja ugovora na period:

- a) za lot 1 – od 13. decembra 2017. godine do 12. decembra 2018. godine,
- b) za lot 2 – od 8. decembra 2017. godine do 7. decembra 2019. godine.

Član 3.

(1) Pokretanje postupka iz člana 1. ove odluke zasniva se na Prijedlogu Odjeljenja za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke), broj: 150-15-4-2440/17 od 11. oktobra 2017. godine, te okolnosti da uslugu navedenu u članu 1. ove odluke zbog specifičnosti nabavke i povjerljivosti prenosa podataka može izvršiti samo ponuđač iz člana 2. ove odluke, kao ekskluzivni pružalac navedenih usluga.

(2) Pokretanje postupka ovom odlukom je zasnovano i na činjenici da je prethodni postupak koji je pokrenut Odlukom, broj: UV-150-01-1-121/17DM od 28.12.2017. godine, poništen Odlukom broj: UV-150-01-1-1 /18DM od 30. 01. .2018. godine.

Član 4.

Sredstva za realizaciju ove odluke koja se odnose na 2018. godinu planirana su Finansijskim planom Centralne banke Bosne i Hercegovine za 2018. godinu, a sredstva koja se odnose na

naredne godine, planiraće se finansijskim planovima Centralne banke Bosne i Hercegovine za te godine.

Član 5.

Centralna banka Bosne i Hercegovine će naknadno u roku od tri dana donijeti odluku ili rješenje o imenovanju Komisije za javne nabavke, s jasno utvrđenim poslovima i ovlaštenjima komisije.

Član 6.

(1) Zadužuje se Odjeljenje za javne nabavke da utvrdi konačan tekst tenderske dokumentacije i istu dostavi nadležnoj komisiji na dalje postupanje.

(2) Zadužuje se Odjeljenje za javne nabavke da sačini i izvrši objave obavještenja, u skladu s uvodno citiranim Zakonom o javnim nabavkama i podzakonskim propisima.

Član 7.

Centralna banka Bosne i Hercegovine će, u slučaju uspješno provedenog postupka i sticanja uslova za zaključenje ugovora po osnovu Zakona o javnim nabavkama, s izabranim ponuđačem zaključiti ugovor za čije se izvršenje zadužuje Odjeljenje za platne sisteme Centralnog ureda Centralne banke Bosne i Hercegovine.

Član 8.

Za realizaciju ove odluke zadužuju se Odjeljenje za platne sisteme, Odjeljenje za javne nabavke, Odjeljenje za računovodstvo i finansije Centralnog ureda Centralne banke Bosne i Hercegovine.

Član 9.

Ova odluka stupa na snagu danom donošenja.

Predsjedavajući
Upravnog vijeća Centralne banke
Bosne i Hercegovine

GUVERNER

dr. Senad Softić



Dostaviti:

- Uredu guvernera
- viceguvernerima
- Uredu glavnog internog revizora
- sekretaru Uprave i Upravnog vijeća
- članovima Upravnog vijeća CBBiH
- Odjeljenju za platne sisteme
- Odjeljenju za računovodstvo i finansije (original)
- Odjeljenje za javne nabavke (original)
- Odjeljenju za ljudske resurse
- a/a (original)